

Møtebok Fellesstyret for Ullensvang statsallmenning

Tidspunkt: Måndag 13. mai 2019 kl. 1800-2000

Stad: Kommunestyresalen, Odda rådhus

Desse møtte: Steinar Langesæter, Eivind Tokheim, John Helge Rasmussen, Ørjan Angell, Ragnar Ystanes, Synnøva Sæbø

Andre til stades på møtet: Steinar Lund (sekretær)

Saker til styremøtet:

FUS 12/19: Meldingar

FUS 13/19: Reguleringsar under reinsjakta 2019

FUS 14/19: Opplæringsjakt – bestemmingar om praksis

FUS 15/19: Eventuelt

Eivind Tokheim/s/ Steinar Langesæter/s/

Ørjan Angell/s/

Ragnar Ystanes/s/

Synnøva Sæbø/s/

John Helge Rasmussen/s/

Kopi til:

Fjellstyremedlemmer
Varamedlemmer
Fjellstyra på Hardangervidda as
Norges Fjellstyresamband
Fjellstyra kring Hardangervidda

Statskog
Odda kommune
Ullensvang herad
Hardanger Folkeblad

FUS 12/19: Meldingar

Saksdokument:

Saksutgreiing:

Orientering på møtet

- Revisjon av rekneskapen
- Arbeid på hytta ved Holmavatnet i vinter

Framlegg til vedtak:

Inga framlegg til vedtak

Referat:

Kort orientering ved sekretær.

Vedtak (sak FUS 12/19):

Styret tek meldingane til orientering.

FUS 13/19: Reguleringar under reinsjakta 2019

Saksdokument:

- 13-19 Felles sakshandsaming samjakt mellom statsallmenningane
- 13-19 Søknad om samjakt frå private vald i Ullensvang og Odda

Saksutgreiing:

Fredingssoner

Som eit tiltak for å auke avskytinga har det blitt drøfta oppheving av fredingssonene mot slutten av jakta. Når fredingssonene blei oppretta gjorde Fellesstyret fyljande vedtak:

Fellesstyret for Ullensvang statsallmenning kan oppheve fredingssonene mot slutten av jakta, dersom tilhøva tilseier det. Opphevinga gjeld ut jakta. Dette er berre aktuelt når det står dyr i vest (i Hordaland).

Samjakt med andre statsallmenningar

Samjakt mellom statsallmenningane blei diskutert på styremøtet i FH i vår. Styret ba om at det blei laga ei felles sakshandsaming som fjellstyra kan nytte. Den sakshandsaminga ligg vedlagt her.

I sakshandsaminga er det peika på:

- At det er ulike meininger mellom fjellstyra, og difor vanskeleg å kome fram til ei ordning med opne grenser mellom alle statsallmenningane.
- Relativt høg kvote kan føre til uheldige konsentrasjonar av jegerar
- Erfaring tilseier at å opne for samjakt ikkje fører til at mange av dei lokale jegerane forflyttar seg til nye område. Dette kan vere meir aktuelt for utanbygdsbuande jegerar.
- Eit eventuelt vedtak om opning av grenser bør vere enkelt og oversiktleg for jegerar og jaktoppsyn. Det vil til dømes vere uheldig å differensiere mellom innabygdsbuande og utanbygdsbuande jegerar, då dette er vanskeleg å kontrollere, og noko ein difor bør unngå.

Dersom Fellesstyret skal tilby samjakt til jegerar frå andre statsallmenningar er det ein føremon om dette har blitt diskutert mellom fjellstyra på førehand, til dømes mellom leiarane. Det er ein føresetnad at det blir gjort tilsvarende vedtak i dei fjellstyra det gjeld.

Samjakt med private vald

Dei private valda i Ullensvang og Odda har sendt inn ein søknad om samjakt. I søknaden er det skissert tre alternative løysingar:

1. Samjakt i heile jaktpérioden
2. Samjakt frå ein bestemt dato og ut jaktpérioden
3. Samjakt for dei jegerane som har allmenningskort

Dersom Fellesstyret ynskjer å inngå avtale om samjakt med dei private valda meiner sakshandsamar at det er ein føremon at samjakta på statsallmenningen berre gjeld dei som har allmenningskort. På den måten unngår ein at jegertalet på statsallmenningen aukar.

I år med høg kvote er det «rikeleg» med kort tilgjengeleg tidleg i jakta. Dersom Fellesstyret tilbyr samjakt i siste del av jakta kan ein oppnå at interessa for jakta held seg oppe over ein lengre periode, då ein etter å ha brukt kort tidleg i jakta kan ha tilgang på fleire kort frå private vald mot slutten av jakta.

Jaktresultatet er jamt over lågt på dei private områda. Det er naturleg, då dei ligg i utkantane av Hardangervidda, på område der det sjeldan oppheld seg flokkar over lengre tid. Utbytet er truleg best i byrjinga av jakta, då det ofte står flokkar i vest før jakta startar. Verdien av å ha tilgang på dei private områda for jegerane med statsallmenningskort er avgrensa, men kan vera til nytte for dei som oppheld seg i grenseområda mellom statsallmenningen og private område.

Vedtak frå 2018 som gjeld inntil vidare:

Før jakta 2018 blei det gjort følgjande vedtak om jaktag, nattefreding og telting som gjeld også i år dersom det ikkje blir gjort nytt vedtak:

Jaktag:

Jegerar som har fått tildelt fellingsløyve på villrein i Ullensvang statsallmenning kan organisere seg i jaktag på inntil fem personar. Det kan berre dannast jaktag med kort stempa HA-281 eller HA-282. Alle på jaktaget må vera tildelt slike fellingsløyve. Ein person kan berre vera medlem i eit jaktag. Det kan ikkje dannast jaktag med kort som er tildelt unge fyrstegongsjegerar. Kort som gir fellingsløyve på Eidfjord statsallmenning sør for Nordmannslågen kan nyttast i jaktag, men jaktagsmedlemmene kan berre nyitta desse korta på Ullensvang statsallmenning (ikkje Eidfjord statsallmenning sør for Nordmannslågen). Alle medlemmene i jaktaget skal ha ein kopi av jaktagsskjemaet med seg under jakta. Denne ordninga gjeld frå og med jakta 2018 og inntil vidare.

Nattefreding:

Fellesstyret for Ullensvang statsallmenning innfører nattefreding på Ullensvang statsallmenning under heile villreinjakta frå klokka 19:00 til 07:00. Ordninga gjeld frå og med jakta 2018 og inntil vidare.

Telting:

Fellesstyret for Ullensvang statsallmenning opnar for at villreinjegerar, med eventuelle hjelpeemannskap, ein dag før og under villreinjakta kan telte eller slå leir på følgjande stadar:

Ysteinsbu
Raudåna
Belebu
Bjørnavassbu
Kortmark
Persbu
Nordsida av Midtra Grøndalsvatn ved lavvoen til Ullensvang fjellstyre
Torehytta
Tysnevassbu
Langavatnet, ved Odda fjellstyre si hytte

Desse stadane kjem i tillegg til stadane som er nemnt i forskrift om telt- og leirslåing innen Eidfjord, Ullensvang og Røldal statsallmenninger, Hordaland § 1. Vedtaket gjeld frå og med jakta 2018 og inntil vidare.

Framlegg til vedtak:

Inga framlegg til vedtak.

Referat:Fredingssoner

Steinar Langesæter kom med fyljande framlegg til vedtak:

Fredingssonene blir oppheva frå og med 16.9 kl. og ut jakta (22.9.), under føresetnad av at Røldal og Eidfjord gjer tilsvarende vedtak om oppheving av sine fredingssoner. Viss det er store avvik mellom vedtaka i dei tre fjellstyra får leiar og nestleiar fullmakt til å tilpasse vedtak om oppheving av fredingssoner på Ullensvang statsallmenning til vedtaka i Eidfjord fjellstyre og Røldal fjellstyre. Styret slutta seg til dette.

Samjakt med andre statsallmenningar

Eivind Tokheim kom med fyljande framlegg til vedtak:

Fellesstyret for Ullensvang statsallmenning tilbyr samjaktsavtale frå og med 9. september og ut jakta med andre fjellstyre som gjer tilsvarende vedtak. Styret slutta seg til dette.

Samjakt med private vald

Steinar Langesæter stilte spørjeteikn ved sin eigen habilitet i spørsmålet om samjakt med dei private valda i Ullensvang og Odda, då han er styreleiar i eit av valda som søker om samjakt.

Eivind Tokheim kom med framlegg om at Steinar Langesæter blir erklært inhabil når det gjeld handsaming av søknaden om samjakt frå dei private valda.

Ragnar Ystanes kom med framlegg om at Steinar Langesæter blir erklært habil i spørsmålet om samjakt med dei private valda og eventuell lengde på periode for samjakt, men inhabil i spørsmål om eventuell motyting for samjakta (til dømes betaling frå dei private valda i form av kort).

Ved avstemming fekk Eivind Tokheim sitt framlegg fire mot ei (Ragnar Ystanes) stemme. Steinar Langesæter deltok ikkje i handsaming av søknaden om samjakt frå dei private valda i Ullensvang og Odda. Vara for Steinar Langesæter sit òg i styret til eit av dei private valda som søker om samjakt, og var difor ikkje kalla inn.

Dei ulike løysingane som blei foreslått i søknaden frå dei private valda blei diskutert. Det blei drøfta samjakt heile jakta, eller frå ein viss dato og ut jakta. Tre alternativ for samjakt for jegerar med statsallmenningskort blei lagt fram: Ragnar Ystanes foreslo samjakt frå 2.september, Ørjan Angell foreslo samjakt frå 20.august, Eivind Tokheim foreslo samjakt frå første jaktdag, men trakk forslaget i debatten. Under avstemming fekk forslaget frå Ragnar Ystanes 3 stemmer (Ragnar Ystanes, Synnøve Sæbø og John Helge Rasmussen) og forslaget frå Ørjan Angell 2 stemmer (Ørjan Angell og Eivind Tokheim).

Ved avstemming blei det vedteke med tre røyster (Synnøva Sæbø, Ragnar Ystanes og John Helge Rasmussen) å tilby dei private valda gjensidig samjaktsavtale for jegerar med kort på Ullensvang statsallmenning (HA 281 eller HA 282) frå og med 2. september og ut jakta.

Det var semje om å ikkje krevje ei betaling i form av kort eller anna frå dei private valda.

Vedtaka frå 2018 som gjeld inntil vidare om jaktag, nattefreding og telting blei kort drøfta.
Det var semje om å ikkje gjere endringar i dei vedtaka.

Vedtak (sak FUS 13/19):

Fredingssonene blir oppheva frå og med 16.9 kl. og ut jakta (22.9.), under føresetnad av at Røldal og Eidfjord gjer tilsvarande vedtak om oppheving av sine fredingssoner. Viss det er store avvik mellom vedtaka i dei tre fjellstyra får leiar og nestleiar fullmakt til å tilpasse vedtak om oppheving av fredingssoner på Ullensvang statsallmenning til vedtaka i Eidfjord fjellstyre og Røldal fjellstyre. Samrøystes vedteke.

Fellesstyret for Ullensvang statsallmenning tilbyr samjaktsavtale frå og med 9. september og ut jakta med andre fjellstyre som gjer tilsvarande vedtak. Samrøystes vedteke.

Fellesstyret for Ullensvang statsallmenning tilbyr dei private valda i Ullensvang og Odda gjensidig samjakt for jegerar med kort på Ullensvang statsallmenning (HA 281 eller HA 282) frå og med 2. september og ut jakta. Vedteke med tre (Synnøva Sæbø, Ragnar Ystanes og John Helge Rasmussen) mot to røyster (Ørjan Angell og Eivind Tokheim).

FUS 14/19: Opplæringsjakt – bestemmingar om praksis

Saksdokument:

Saksutgreiing:

Sekretær ynskjer ein gjennomgang av praksisen med opplæringsjakt på villrein på Ullensvang statsallmenning. Aldersgrensa for å jakte storvilt er 18 år. Frå det kalenderåret ein fyller 16 år og fram til fylte 18 år kan ein delta i opplæring på storviltjakt med våpen. Fyljande punkt gjeld ved opplæringsjakt:

- Opplæringsjakt for storvilt gjeld for personar som frå dette kalenderåret fyller 16 år, fram til fylte 18 år.
- Det er vilkår om bestått jegerprøve og skyteprøve både for jegeren som er under opplæring og den som er tilsynsperson.
- Tilsynspersonen må ha betalt jegeravgift for det aktuelle jaktåret.
- Tilsynspersonen kan bere våpen dersom grunneigar tillèt det.
- Den som er under opplæring kan bere eige våpen.

- Dersom det kun blir nytta eit våpen under opplæringsjakt må begge ha bestått skyteprøve med dette våpenet.
- Ingen må overdra eller overlate skytevåpen, våpendeler eller ammunisjon til person under 18 år med mindre det er for kortvarig bruk under forsvarleg tilsyn.

Fjellstyret som «grunneigar» må ta stilling til om tilsynspersonen kan bere eige våpen eller ikkje. Det vil oppstå situasjonar der jegeren som er på opplæringsjakt er tildelt jaktkort, medan tilsynspersonen ikkje har kort. Det kan likevel vere ein fordel at tilsynspersonen har eige våpen, men det må opplysast godt om rolla til tilsynspersonen. Det må vere heilt klart for jegerane at tilsynspersonen ikkje kan jakte på kort som er tildelt jeger under 18 år (jf. at jaktkort på statsallmenning er personlege og ikkje kan overdragast eller seljast til andre).

Sekretær ynskjer å utarbeide eit infoskriv til bruk i samband med tildeling av reinskort på Ullensvang statsallmenning. Fellesstyret sin konklusjon om tilsynspersonen sitt høve til å bere eige våpen blir ein del av dette skrivet.

Framlegg til vedtak:

Inga framlegg til vedtak.

Referat:

Kort drøfting om tilsynspersonen skal ha høve til å bere eige våpen eller ikkje. Eivind Tokheim kom med framlegg om at tilsynspersonen skal ha høve til å bere eige våpen. Styret sluttar seg til dette.

Vedtak (sak FUS 14/19):

Fellesstyret for Ullensvang statsallmenning gir tilsynspersonen løyve til å bere eige våpen. Samrøystes vedteke.

FUS 15/19: Eventuelt

Eivind Tokheim orienterte om at Fellesstyret sin båt ved Litlosvatnet som blei teken heim i vinter for reparasjon ikkje har blitt reparert og frakta inn att. Reparasjon vs. kjøp av ny båt blei diskutert. Det var semje om å kjøpe inn ein ny aluminiumsbåt av typen Viking 440 (veil. pris 21.400,-). Det blir undersøkt om det er mogleg å få til inntransport med helikopter frå Valldalen i samband med transport til Litlos turisthytte.

Aktuelle problemstillingar knytt til endra fjellstyrestuktur i samband med kommunesamanslåinga

Steinar Langesæter kom med eit innspeil om at dei to fjellstyra i lag skal koma fram til kva dei har ulikt syn på, og forsøke å få ei juridisk vurdering av spørsmåla. Leiar i Fjellstyresambandet har foreslått at dei to fjellstyra kan legge fram kva dei er ueinige om, og få ei juridisk vurdering av spørsmåla frå ein jurist i regi av Fjellstyresambandet.

Dei ulike problemstillingane som det er ulikt syn på blei diskutert. Det kom innspeil om at dei av fjellstyremedlemmene som ikkje har vore involvert i arbeidet med avklaringar mellom dei to fjellstyra som har pågått dei to siste åra har lite innsikt i kva det er usemje om mellom dei to fjellstyra. Det blei ytra ynskje om eit felles møte mellom dei to fjellstyra der ein diskuterer problemstillingane. Før dette møtet skal det haldast eit møte mellom leiarane og nestleiarane der problemstillingane blir drøft.

- Det blei konkludert med at leiar og nestleiar frå dei to fjellstyra møtest for å kome fram til kva problemstillingar/spørsmål dei to fjellstyra har ulikt syn på. Resultatet av dette blir presentert i eit felles møte mellom dei to fjellstyra.
- Møtet mellom leiar og nestleiar frå dei to fjellstyra blir halde mandag 27. mai kl. 1900. Sekretær tek kontakt med kommunen om lån av rom.
- Sekretær sender ut aktuelle dokument til alle fjellstyremedlemmene før møtet